



COMUNU DE SÀRDARA



CUNCURSU

Unu dìciu po sa lingua tua

ARREGULAMENTU E BANDU

1. Cuncurrentis.

A su cuncursu podint pigai parti totus, mannus e piticus.

2. Is dìcius/slogan amìtus, critèrius de acetatzioni:

Is dìcius depint essi: scritus in sardu, curtzus e originalis. Podint essi acumpangiaus de una pintura (vignetta).

Si podit pigai parti cun 1 dìciu sceti.

3. Giuditziu de sa Comissioni.

No si podit abetiai a su giuditziu sa Comissioni chi esàminat is dìcius.

Sa Comissioni ndi sceberat, chi ddoi funt, de totu is dìcius presentaus e amìtus, 5.

4. Comissioni esaminadora.

Sa Comissioni est cumposta de is componentis de sa Consulta Cultura e Lingua Sarda de Sàrdara chi apariciat custu cuncursu.

5. Tzirimònia de premiatzioni.

Sa dii de sa tzirimònia si presentant e si prèmiant is dìcius bincidoris.

6. Cumentis intregai is dìcius.

Is DÌCIUS podint essi intregaus:

- cun posta ordinària (no arrecumandada A/R, ge arribant a su pròpiu);
- a manu a s'ofitziu de prisia de su Comune.

Tocat a intregai 1 còpia de sa litera cun su DÌCIU e sa scheda de partitzipazioni.

Depint arribai ainturu de sa **1:00 p.m.** de su 09/11/2015 (no balit sa dii de imbiu ma sa de arricida de su Comune, sa busta est bullada e firmada de s'impreau chi dd'arricit). Indiritzu: **Comune di Sàrdara, Piazza Gramsci, 1- Sàrdara 09030 (VS)**. In sa busta serrada ddoi depit essi scritu a ladu de foras, "**cuncursu unu dìciu po sa lingua tua – Consulta Cultura e Lingua Sarda – Sàrdara**."

- No si pigat in cunsideru peruna busta lòm pia foras de sa dii e de s'ora inditadas in custu bandu.)
- S'organizazioni de su cuncursu no tenit responsabilidadi peruna chi lompint tradu is bustas o po is faddinas de is Postas.

7. Aprontamentu de sa busta e imperu de is dìcius apustis de su cuncursu.

Ainturu de una busta ddoi depint essi: 1 còpia de su dìciu e sa scheda (mollu) de partitzipazioni.

In sa scheda de partitzipatzioni si depit scriri su nòmini e sangunau de s'autori, s'indiritzu de residèntzia, su Stadu, po chi bivit foras de Itàlia, su nùmeru de telèfonu e, po is chini ddu tenint, s'indiritzu de su curreu eletrònicu. In prus, po no essi esclùdius de su cuncursu, depit essi scruta una decrarada innui s'atzetant is normas e is cunditziunis de custu Arregulamentu.

S'ofitziu de prisia candu lompit su tempus donat totu is bustas a sa Comissioni de su cuncursu.- Is dicitus no si torrant ma funt postus in d-una setzioni, in paperi e in formau digitali, de sa Biblioteca Comunali de Sàrdara e/o in su giassu istituzionali de su comunu.

Su deretu de autori, chi esistit, est de s'autori chi pigat parti a su cuncursu.

Mancai is dicitus abarrint cosa insoru, sa Consulta ddus podit imperai a prexeri suu (po promovì sa lingua siat craru).

Su chi intregat sa faina sua est de acòrdiu de ponni a menti a totu is normas chi funt in custu Arregulamentu.

.8. Ortografia.

Sa Consulta podit arregulai ortograficamente is dicitus cunforma a is propostas de standard de oi.

9. Prèmius.

A is bincidoris si donat unu atestau e unu donu po arregordu. Is DÌCIUS bincidoris ant a essi imprentaus e postus in quadrus bellixeddus inguarnissaus e prontus a apicai in logus e ofitzius pùbricus e privaus, butegas... e ant a podi essi finsas imprentaus in mallietas e in calisiasiat àteru logu e suportu/cosa stabilida de sa Consulta chi apariciat custu cuncursu. A prexeri de su bincidori impari a su dicitu podit essi postu su nòmini suu puru, mancai scritu prus a piticu. Si podint donai arremonis (*menzioni*) spetzialis e finsas is dicitus de is chi arricint custus arremonis ant a podi essi imperaus a prexeri de sa Consulta.

10. Tempus.

Is dicitus depint arribai ainturu de sa **1:00 p.m.** de su **09/11/2015**

In su giassu de su Comunu de Sàrdara,
<http://www.comune.sardara.vs.it>

funt pubricaus is nòminis de is chi bincint
A Issus ddus avisaus finsas cun email/telèfonu.

11. Scedas.

Ònnia acraressimentu e sceda si podit pregontai a Sa Consulta Cultura e Lìngua Sarda de Sàrdara –
cell. 3394645588

Custu bandu si podit scarrigai de su giassu: <http://www.comune.sardara.vs.it>

Sàrdara, 07/09/2015

Su Presidenti
Giampaolo Pisu

Scedas cunforma a is leis in contu de privadesa e manìgiu de is datus personalis

Cunforma a sa lei 31.12.1996 n. 675, e is mudàntzias sighidas, po su chi spetat a su protzedimentu incarrerau de custu bandu, si fait sciri ca:

- is datus e scedas arregortas pertocant sceti su protzedimentu po su cuncursu **“unu dicitu po sa lingua tua”**, is maneras de manixai, finsas cun su personal computer, pertocant sceti su protzedimentu de custu bandu;
- sa comunicatzioni de is datus est fatu a prexeri ma si cunfiguratu a manera prus giusta comenti e òbrigu, ca is chi pedint de partizipai a su protzedimentu depint decrarai is datus pedius de s’Aministratzioni Comunali e Consulta Cultura e Lingua Sarda de Sàrdara;
- is chi no arrespundint a is pregontas podint essi postus a una banda de su protzedimentu de su cuncursu;
- is datus podint essi comunicaus sceti a is cumponentis de sa Consulta Cultura e Lingua Sarda e a is impreaus de s’Aministratzioni comunali chi funt incarrigaus de su protzedimentu, àtera genti chi ddu pedit e chi pigat parti a su protzedimentu, e a is chi tenint s’interessu stabilliu de sa lei 241/1990 e is mudadàntzias sighidas;
- is deretus chi spetant a is chi funt interessaus funt stabillius de s’articulu 13 sèmpiri de sa lei n. 675/1996;
- sa comunicatzioni e su spraximentu de is scedas personalis arregortas est fata sceti cunforma a is leis chi pertocant sa disciplina;
- is datus funt manixaus cunforma a sa lei e in manera giusta, cun s’amparu de is deretus de is chi ndi pigant parti e poderendi totu arreservau, funt assentaus, manixaus e arregortus me is arcivus informàticus e/o in paperi;
- Sugetu ativu de s’arregorta de is datus funt s’Aministratzioni comunali e sa Consulta Cultura e Lingua Sarda de Sàrdara chi apariciat su cuncursu;
- Is datus arregortus cunforma a custu protzedimentu funt manixaus arrespetendi is leis chi arrègulant s’amparu de sa privadesa..

Sàrdara, 07/09/2015

Su presidenti
Giampaolo Pisu